

Uunga siunnersuut: Sanaartornermi neqerooruteqartitsisarneq pillugu Inatsisartut inatsisaata allanngortinneqarnissaa pillugu Inatsisartut inatsisaat nr. xx, xx. xxx 2020-meersoq

(Aningaasanut killigititassanik iluarsineq, atuuffinnik erseqqissaaneq, siumoortumik neqerooruteqartitsinani aamma isumaqatigiiffiusumik neqerooruteqartitsinani suliariumannittussarsiuussisarnissamik piumasaqaatit pillugit aalajangersakkat, siumoortumik nalunaaruteqartarnissamik atuutsitsilerneq kiisalu Neqerooruteqartitsisarnermut Maalaaruteqartarfik pillugu aalajangersakkanik atorunnaarsitsineq)
(Ineqarnermut Attaveqaqatigiinnermullu Naalakkersuisoq)

Akissuteqaat

(Ineqarnermut Attaveqaqatigiinnermullu Naalakkersuisoq)

Pingajussaanneerpeqarnera

Sanaartornermut Ataatsimiititaliaq siunnersuutip pingajussaanneerpeqarnissaanut isumaliutissiissummik tunniussaqqarpoq. Ataatsimiititaliap kajumissaarinera malillugu Naalakkersuisut kammalatersortoqalersinnaaneranik aarlerinartoqarsinnaaneranut tunngasunut imatut oqaaseqaatissaqarput:

Neqerooruteqartarnermut inatsimmi aalajangersakkamik, danskit inatsisaannit Sanaartornermut Ataatsimiititaliap issugaatut ittumik peqannginnera Naalakkersuisunit tunngavilersorluarneqarsimasutut isigineqarpoq.

Kalaallit neqerooruteqartarnermut inatsisaat malillugu – danskit inatsisaannut assingusumut sanilliullugu – neqerooruteqartitsisup siumoortumik neqeroortitsinertaqanngitsumik killilimmik suliariumannittussarsiuussinikkut neqerooruteqartitsineq atorniarlugu nammineerluni aalajangersinnaanngilaa.

Tassalu neqerooruteqartarnermut inatsimmi aatsaat entreprenørit aalajangersimasut kisimik pisariaqartinneqartunik piginnaaneqartillugit, imaluunniit suliassap suliarinissaanut immikkut ilisimasassatut pisariaqartinneqartunik peqartillugit neqerooruteqartitsisup siumoortumik neqerooruteqartitsinertaqanngitsumik killilimmik neqerooruteqartitsinermik atuisinnaanera aalajangersarneqarpoq.

Inatsisissatut siunnersuummi tamanna allanngortinneqanngilaq, kisiannili tamatuma kingunerisaanik – pingaartumik siumoortumik nalunaaruteqarnissamut piumasaqaat eqqarsaatigalugu – suliart ersarinnerulissapput pinnittarnerlu assigiinnginnerulissalluni.

Kommunit neqeroortitsisarneranni nakkutilliinermut tunngatillugu Naalackersuisunit oqaatigineqassaaq, neqerooruteqartarnermut inatsit piginnaatitsissummik taamaattumik imaqanngimmat. Akerlianik illuatungeriinnut maalaaruteqarsinnaanermut aalajangersagaqarpoq. Maalaaruteqartarfiit pillugit inatsit naapertorlugu maalaaruteqartarnerni misilittakkat takutippaat, sakkussaq misilerarluarneqareersoq illuatungeriinnit atorneqartoq. Taakku saniatigut nakkutilliinerpiaq pisortat aningaasartuuteqarnerulernerinik kinguneqartussaavoq.

Naalackersuisut sinnerlugut Sanaartornermut Ataatsimiititaliaq peqqissaarussamik suliaqarneranut, isumaliutissiissuteqarnermi tunngavigineqartumut qutsavigaara. Tamatumunnga peqatigitillugu maluginiarpara, ataatsimiititaliap isumaqatigiissummut siunnersuut akuersissutigeqqullugu innersuukkaa.